

光緒山西通志

山川考一

考二之一

山西通志第三十一

賜進士出身頭品頂戴兵部侍郎兼都察院右副都御史巡撫山西提督軍務臣張爾

旨監修

山詳脈絡先幹後支水記經流窮源竟委地志之恆例也晉古稱負險用武之國左太行右大河南連孟懷北通朔漠其間名山大川縱橫條貫旁薄數千里周回十餘郡言形勝者必首及焉唐一行以兩戒分野謂北戒自三危積石東至太華踰河並雷首底柱王屋太行北抵常山之右以華陰爲地絡之會以晉代當北紀山河之曲其說近世多有辨其非者然與禹貢刊旅滌源次第略相比附蓋自陘嶺以西其山羣表延而南而環以汾水地防之所屬也故介乎西者川皆近歸於河自晉陽以東其山皆橫互而北以極於塞垣

神京之近朔中外之巨防也故介乎東者川皆分注於海爰志山自中條始而終以邊徼志水自河入塞始而次及浸澤於支派之分合名稱之同異徑塗之遠近形勢之險夷述之綦詳故事遺文間援爲證甄錄所及典要略備或亦柏翳傳經鄭亭作注之意也

中條山 鳴條岡 稷山 介山 砥柱山 王屋山 析城山

中條山禹貢之雷首也西起永濟之獨頭坡東訖垣曲之橫嶺闕芮城平陸居其陽虞鄉解州安邑夏縣閻喜居其陰山形脩阻首枕大河尾接王屋縣互二百餘里所在異稱有首山首陽山厯山陌山薄山襄山吳山甘棗渠瀆諸名而虞坂白徑爲南出道尤奇險皆正幹也南支限於河近與厓柱相連北支旁行其盤迴於汾涑之間者爲鳴條岡爲絳山爲稷

爲分山

禹貢壺口雷首正義曰雷首在蒲坂縣南

括地志雷首山一名中條亦名厯山亦名首陽山亦名薄

山亦名襄山亦名甘藪山亦名渠漸山亦名獨頭山亦名

吳山西起雷首東至吳坂凡十二名隨州縣分之杜氏通

在今河東縣此山凡有八名厯山首陽薄山襄山甘藪中

條渠獨頭也太平寰宇記山有九名其一爲阿山云湯

伐榮升自阿注所

在河曲之南也

史記商君列傳魏居嶺阨之西與秦界河而獨擅山東之

利索隱曰蓋安邑之東山麓險阨之地卽今蒲州之中條

已東連汾晉之嶮峻是也

蒲州府志兩漢及晉魏志多言首山雷首不及中條中

條之名蓋起後世案其名始見北魏書釋老志

謹案史記夏本紀湯伐桀桀走鳴條注鳴條在安邑西左傳晉文侯以條之役生太子注條晉地皆不言爲山山海經中山經薄山之首郝氏懿行云禹都安邑故以薄山爲中山其說近是而經中所次之山自甘棗渠豬歷兒吳林諸名外有蔥嶺淩山脫厲金星秦威榘谷六山皆無可徵蓋不止十二名矣茲姑統以中條從習稱也別其支幹先西後東

其在河曲之中當永濟縣南者曰首陽山雷首之南阜也有夷齊廟及墓雷水出焉西南流入河其東曰歷山亦曰三輅山有舜祠舜井馮納之水出焉南流入河首陽之西曰獨頭坡曰鳳凰山又南曰風陵堆與潼關對其北曰堯山雷首之巔也與蒲坂對其近城者有筆架山八級山塔子谷等山

於大谷口

詩采芣毛傳云首陽在蒲坂南

史記舜耕歷山歷山之人皆讓畔正義曰括地志蒲州河東縣雷首山一名中條山亦名歷山

漢書地理志蒲坂有堯山首山祠雷首山在南

續漢書郡國志蒲坂有雷首山注伯夷叔齊隱於首陽山

馬融曰在河東蒲坂華山之北河曲之中

蘇林注西京賦云華山對河東

首陽山黃河流於二山之間古語云此山本一山當河過而曲行河神巨靈以手擘開其上以足踏離其下中分為兩以通河流今觀手迹於華嶽上又河東有三轆山北曰孤掌之形具在爾述在首陽山下大轆西曰小轆東曰荀轆三山各距三十里舜所耕歷山謂此地也

水經注蒲坂南有歷山謂之歷觀舜所耕處有舜井媯汭

二水出焉南曰媯水北曰納水西徑歷山下上有舜廟周處風土記曰舊說舜葬上虞又記曰耕于歷山而始甯剡二縣界上舜所耕田于山下多柞樹吳越之間名柞爲楸故曰歷山余案周處此志爲不近情傳疑則可證實非矣安可假木異名附山殊稱強引大舜歷山爲納言是則可於彼乖矣河水南徑雷首山西山臨大河北去蒲坂三十里尙書所謂壺口雷首者也俗亦謂之堯山山上有古城世又曰堯城關駟曰蒲坂堯都按地理志曰縣有堯山首山祠雷首山在南事有似而非非而似千載渺遠非所詳耳河水又南凍水注之水出河北縣雷首山縣北與蒲坂分山有夷齊廟爾駟十三州志山一名獨頭山夷齊所隱也山南有古冢陵柏蔚然攢茂邱阜俗謂之夷齊墓也其

水西南流亦曰雷水穆天子傳曰壬戌天子至於雷首犬戎胡憊天子于雷首之阿乃獻良馬六天子使孔牙受之于雷水之干是也昔趙盾田首山食祁彌明祁左傳作提於豳桑之下卽於此也

元和志雷首山一名中條山在河東縣南十五里故堯城在縣南二十八里

太平寰宇記汾水源出河東縣南三十里雷首山卽釐降二女之所今有舜祠存焉後周宇文護所造

方輿紀要歷山在蒲州東南百里蒲州府志永濟縣南六十里上有歷

觀漢成帝元延二年幸河東祀后土因游龍門登歷觀是

也楊雄河東賦登歷觀而遙望今聊存舊以經營樂在昔也之遺風今喜虞舜之所耕師古曰歷山上有觀也晉灼曰在河東蒲坂縣風陵堆在蒲州南五十五里相傳風后冢也亦

日封陵

通典風陵堆南岸與嶺關相對亦曰風陵山

首陽山之北有數峯橫立

拱揖州城中高旁下俗因名筆架山又南五里爲八盤山

又十里爲麻谷山

舊通志獨頭坡在永濟縣南四十里雷首一邱也突兀

當道外臨大河內穿峻坂東入夷齊祠南遠潼關樂史

太真外傳從居永樂之獨頭村卽其地鳳凰山在縣南

七十里中條南麓盡處明張文毅墓誌銘嘗讀書中條

之鳳鳴山學者稱鳳磐先生

蒲州府志中條山在永濟縣東南十五里山有桃花元

女二洞及谷口蒼龍諸泉有萬固樓巖二寺並在山陰

谷口爲西麓蒼陵谷爲中麓其大谷口出泉處爲東麓

也案嶺內二水鄆氏次於河經雷首之前其水西流入河

度宇記亦云異源同歸渾流西注當在中條之陰

爲蒼陵谷諸水而方志皆謂在中條之南準其地望乃水經注之雷水所謂陽安澗西南流注於河者媯西之水既移而南其雷水聚谷爲所牽混至莫詳所在而山北之水如蒼陵谷大谷口諸泉於古遂無可指名矣

路史餘論歷山今河東縣之雷首山也其山九名一曰首陽臨河與太華對峙卽爲歷觀楊雄所云登歷觀以遙望者樂史謂偃師西北二十五里有舜廟舜井媯水泃水媯南泃北然後魏上谷記云下洛城西南四十里有潘城城西北三十里有歷山形如覆釜下有舜誓二祠云是舜居而齊之歷城南五里又有歷山水經注云上有舜祠縣東復有舜井亦云耕處寰宇記在縣東百步云舜之所穿又有華水與歷山井通曾子固云舜耕歷山漁雷澤陶河濱作什器於壽邱就時於負夏康成謂歷山在河東雷澤在濟陰而負夏則衛地皇甫謐乃

謂壽邱在魯東門之北河濱爲卽陶邱乃定陶西北之陶邱亭耕稼陶漁皆舜之初年其地必不大相遠今皆在魯衛間則歷山不得獨在河東遂以爲娶後所居後世因有媯水而遷就之夫河東乃帝所生若所都歷城古歷下也其相去也遠矣耕漁之時徒以暫暇不順暫卽荒野顧非日後就販之比其初未必違父母之側河濱雷澤其說未悉案九域志濟南濮陽河中皆有歷山俱存祠廟而今秦地池陽澧陽始甯河縣上虞無錫亦皆有之列子云舜耕河陽書大傳舜陶河濱案元和志乃河東縣北四十里之故陶城蘇氏演義云歷山有四一河中二齊之歷陽縣三冀州四濮之雷澤雷澤不聞有二耕漁必不相遠卽此爲是今曹濮間有舜攀龍井

定陶城皆其蹤也然歷何止四哉信都之歷山樂史亦
以爲舜耕在是援神契云舜生姚墟應劭謂與雷澤相
近寰宇記在雷澤東十三里歷山在縣北十六今濮之
雷澤西北六十有小山孤立謂之歷山北有小阜屬池
目之姚墟邵謚緣之皆記舜耕之所而池之建德東十
里更有堯城山縣南三十有堯城堯祠云堯巡所至梁
武於此立太原府縣北二十爲舜城城有舜井有歷山
上有堯舜之祠元和志謂是兩帝南巡所至而周處記
始甯界復有舜所耕處一山多柞因謂樾山而以具區
謂之雷澤以其中有大小雷山也王介甫從之妄矣夫
使帝果南巡至此亦何預耕漁之日也且以姚嬀之名
在在而是金之西城故姚方媯墟杜佑謂舜生此而世

本亦謂媯墟舜所都在西城今長沙縣有媯水云舜所都而上虞之損石號薦公嶽會稽又有媯水三撫之泉經之東入海圖經亦以爲釐降之地祝阿故縣又有濼水俗呼媯姜水原有媯英之廟水源山上有帝舜祠下開大穴謂之舜井究之泗源又有陶墟亦有舜井其西阜號媯亭山下有一漏澤方十五里指爲帝之所漁不知此乃桃墟謝息之所遷者水經注上虞一曰虞賓太康地記以爲避丹朱子所而雷澤亦非一周處謂是太湖故竄宇記引尙書釋言謂在震澤若陽城漢渡潁縣墨子言舜漁在此澤今在陽城西北十二郡國志言包西今有地名舜田然今潭之益陽岳之沅江故梁之童華縣有虞帝城記亦謂是所都而述異記去湘水岸三

十有相思宮望帝臺志爲二妃之迹冷道臨武桂陽藍山等處悉有帝舜之祠藍山更有舜水舜鄉縣西十五里與永明西十五皆有娥皇女英之廟江華太平鄉有舜女寺卽案厯城東南十里之廟晏氏三齊記在縣東南後人思舜而置廟也湘中記云地有舜之道風人民純樸故老猶彈五弦之琴爲漁父詞莫不以爲虞帝之居豈盡信耶

謹案水經注以堯山卽雷首山漢志則謂在堯山南是以首陽爲雷首然實一山相連在北爲堯山在南爲首陽耳觀鄆注於夷齊墓直謂其在雷首不復區別與漢志未嘗不合也府志曰禹貢所導山川並記其大雷首大矣故與壺口並舉明時論者謬指形勢

乃以雷首首陽皆中條之餘支是知有中條而不知雷首胡渭云雷首之脈爲中條東盡於垣曲王屋殆得之矣又案曹大姑注通幽賦云夷齊餓於首陽山在隴西首陽戴延之西征記云洛陽東北首陽山有夷齊祠說文云首陽山在遼西史記正義備引之而據莊子伯夷叔齊西至岐陽見周武王伐殷北至首陽之山遂饑餓而死之文及詩中登彼西山語謂今渭源縣首陽山在岐陽西北明是夷齊餓處路史餘論有辨以爲夷齊之蹤當在河東首山是矣而誤以中條爲卽賁山

案呂氏春秋夏后孔甲田於東陽賁山帝王世紀以爲東首陽山其地乃

大任山海經之稱

又誤以許叔重言首陽在遼西當

山與中條山全別

今遼之和順
案和順雖有首陽山而地本魏徒滋人國越之魏陽北魏始改魏爲遼

或大抵古籍錯出傳聞異辭後人好古又多傳合實
則首陽卽雷首山之支峰也以其在雷首之陽故曰
首陽耳他處無雷首安得有首陽則亦徒襲其名而
守節乃規規於地道方向以求合獨不思莊子乃寓
言而商都朝歌雷首正在邦畿之西所謂西山亦當
就商都言之無因舍近徵遠略商言周也

雷首之東爲薄山亦曰襄山中條之脊也有蓼谷有禾樂澗
東與芮城界山之北爲雲蓋峰爲焦嶺爲九峰東與虞鄉界
水經河水又東過河北縣南注縣與湖縣分河蓼水出襄
山蓼谷西南注於河河水又東禾樂澗水注之水北出於
薄山南流逕河北縣故城西故魏國也太史公封禪書稱
華山以西名山七薄山其一焉薄山卽襄山也徐廣曰蒲

坂縣有襄山山海經曰蒲山之首曰甘棗之山共水出焉而西流注於河東則渠豬之山渠豬之水出焉而南流注於河如準封禪書二水無西南注河之理今診蓼水川流所趣與共水相扶永樂溪水導源注於河又與渠豬勢合蒲山統目總稱亦與襄山不殊故楊雄河東賦曰河靈嬰踢掌華蹈襄注云襄山在潼關北十餘里以是推之知襄山在蒲坂溪水卽渠豬之水也

寰宇記中條山在永樂縣北三十里渠豬水一名蓼水今名百丈澗源出縣北中條山山海經渠豬之水南流注於河是也永樂澗水源出縣北中條山經縣東二里又南入河又芮城縣下云中條山在縣北十五里高八里山薄狹而延袤故謂之中條亦曰薄山至王屋又至大行人海舊通志永樂鎮有猫耳山玉簪山在純陽宮側玉洞在

中條之陽並距永濟縣百二十里

蒲州府志雲蓋峰在永濟縣東三十里中條之地高切雲表焦嶺在縣東南六十里焦廬里因里得名世傳漢末焦孝然結廬於此故稱後譌爲焦廬九峰在縣東南六十里上有純陽宮純陽修真於此

謹案薄山山海經亦作蒲山蒲卽薄之省文左傳蒲姑史記云薄姑知二字古相通矣寰宇記首陽山遷迤連延南北狹薄謂之薄山蓋望文生義也封禪書薄山者襄山也索隱云在今芮城北與中條山相連穆天子傳天子南登薄山寘輪之陞郭注今在河東大陽水經注鹽水出薄山則自永濟以東山之南北胥有其名不得舉一峰以當之也

薄山之東爲方山一名鹽道山亦曰檀道又名百梯山在虞鄉西南七里其東曰五老峰皆北臨五姓湖而南與芮城分山

水經注晉興澤

今五姓湖

南對鹽道山其西則石壁千尋東則

礮溪萬仞方嶺雲回奇峰霧舉孤標秀出罩絡羣山之表翠柏蔭峰清泉灌頂郭景純云世所謂鴛漿也發於上而潛於下矣厥頂方平有良藥神農本草曰地有活固女疎銅芸紫苑之族也是以緇服思元之士鹿裘念一之夫代往遊焉路出北嶽勢多懸絕來去者咸接蘿騰峯尋葛降深于東則連木乃陟百梯方降巖側糜鎖之迹乃今存焉故亦曰百梯山也水自山北流五里而伏云潛通澤渚所未詳也

元和志檀道山一名百梯山在虞鄉縣西南十二里山高萬仞躋攀者百梯方可升降故曰百梯山南有穴莫測淺深每有勅使投金龍於此兼醮焉

寰宇記方山祠在虞鄉縣西二十里五老山在永樂縣東

北一十三里堯升首山觀河渚有五老人飛爲流星上入

昇因號其山爲五老山又五老仙人祠在虞鄉縣西一十

七里案唐永樂縣今永樂鎮山去鎮約三十餘里云十三里似倒檀道山在城西南一

十三里一名百梯山山海經虞鄉有梯山山上有帝臺之

漿也案山海經無此文今山下有水潛出停而不流俗謂之鴛漿

其頂方平如壇多產良藥百梯方可升故曰百梯山南有

投龍穴莫測深淺記於解州又云鴛漿在解縣南一十五里壇道山東嶺上一名鍾山水澄淨爲

池呼爲天池上有鴛漿山海經云高泉之山其上有水甚寒而清謂之帝臺郭璞注云今河東解縣壇道山有泉水

出停而不流今見在又云方山一名雷首山在芮城北二十一里

舊通志檀道之高與華爭雄水經注曰石壁千尋磻溪萬仞卽今青石掌洪流崖也方嶺雲回厥頂方平此方山所由名也緇服鹿裘之遊謂靈峰塔院也連木乃升百梯方降今之百梯村其遺名也張文毅之屐至蒲州草坪而止記鴛鴦泉似誤若明一統志檀道山在解州南五里中有鴛鴦泉此耳食之誤不足置辨

蒲州府志方山卽山海經檀首山也鴛鴦泉已湮相傳其下至深怪物宅焉明隆慶間淫雨或言方山白龍爲祟御史邵永春以鐵牌黑犬厭之是夕大雷雨坼山巔塔龍移湫去五老峰在方山東去虞鄉縣西南十里峭壁千尋援鐵絙而上山有雷公洞上洞在歸雲巖下洞

在北峰有東西錦屏峰峰之陰有張果洞又仙人韓終
隱居鍊藥亦號韓峰峰東有韓君洞又有羅通微真人
洞又有青城大乙蒼龍太白諸洞洞之陽有棄瓠巖嵩
山道士李皮囊嘗棄酒瓠於此旁有龍井相傳唐元宗
時遣玉真公主投金龍其中山麓又有金沙金龜玉女
飲鹿諸泉玉峰亦曰靈峰卽五老之南峰也雲笈七籤
道書洞天福地謂此是第五十二福地唐侯道華升仙
於此

謹案山海經高前之山有水甚寒而潛地臺之漿也
注今河東解縣南檀道山上有水潛出不流俗名鶩
漿卽此類也郭特舉檀道爲證非經有此山也府志
譌道爲首徑以爲經文誤鶩漿或書爲益當是正字

方志泉有四一在虞鄉之鹽道山見水經注一在解州之檀道嶺見寰宇記一在解州東南之檀道谷見通志而實維虞鄉之方山與古今爲合考解縣故治在今臨晉縣東十八里春秋之解梁城也後周保定始於解縣置虞鄉唐天授中復析虞鄉置解縣則晉之解縣本爲今虞鄉郭注山海經所云解縣乃古解梁城遠在今州西北寰宇記誤合爲一故於虞鄉解州皆引山海經文而檀道山西起草坪東至白徑延袤六十里爲嶺爲谷胥有其稱若今之統名爲橫嶺也故皆以爲鶩梁所在然鄒注於鹽池之南山謂之石門卽白徑也於五姓湖之南山謂之鹽道卽檀道也正自分明方輿紀要合爲一山謂在解南五里

益糾轉矣

又東爲王官谷在虞鄉縣東南十里因王官廢壘爲名也谷東爲石錐山入解州界

隋書地理志虞鄉有石錐山

唐書地理志解州南有檀道山又有石錐山

資字記王官古城在虞鄉縣南二里左傳秦伯伐晉濟河焚舟取王官者晉侯使呂相絕秦曰俘我王官石錐山在縣東二十四里

錢希白南部新書唐司空圖舊隱三峰天祐末移居中條山北巖之上有瀑泉流注谷中溉良田數十頃至今子孫猶存爲司空之莊

舊通志谷有天柱峰峰東西皆有瀑布水東注者行山

中百里有奇出夏縣王谷口其北流者爲助溪又有休

休亭始名濯纓西商名一鳴亭居谷中特高西北有證

東西二巖距里許山雨漲發飛流注壑暑陰寒北面

平臺與兼騎與宋虞鄉令樂沅重修上有白雲洞元李

孤雲構了亭於其下明御三詔亭在天柱峰下其室

史張仲修建觀象亭後廢

四周覽照亭亭出諸亭上谷中有北巖翠瑩心亭當瀑

環映窗飛雨掛鶴臺在天柱峰下東南隅表聖時五月

織軒窗飛雨掛鶴臺在天柱峰下東南隅表聖時五月

異秦王視在谷西嶺大如礮尖問使君宅在谷上方舊

貞觀十四年爲河東太守後隱谷中羅通微買薪事之

十九年拜吉州刺史通微偕往遂冲舉於玉筍山使君

委上水磴院密林三里水聲乍大乍細曲饒而上亭登

其事自是軒回數折了亭北有聚仙堂南存石泉

乃見瀑布匯流焉折了亭北有聚仙堂南存石泉

橋入在石泉洞西望天柱峰東渠亭對峙西巖由一里

高入可表與五老峰遙峙云東渠亭對峙西巖由一里

渠入可表與五老峰遙峙云東渠亭對峙西巖由一里

望黃河可表與五老峰遙峙云東渠亭對峙西巖由一里

望黃河可表與五老峰遙峙云東渠亭對峙西巖由一里

望黃河可表與五老峰遙峙云東渠亭對峙西巖由一里

友也表聖詩
雙人依木立
巒兩巖空
濛滅沒

藏雲洞

在蘆葦泉南泉味甘孤雲子塔
無隅塔錯列上爲八仙洞北巖

右中條西幹在蒲州府永濟虞鄉二縣者

自薄山以東爲中條之中幹橫亙於解州四縣之境山脊通
名爲橫嶺曰直岔嶺在州南其陽有太峰清風嶺甘棗山青
龍洞石鐘洞而東北至於涇水之源爲芮城之北山曰白徑
嶺在州東南其陽有吳山石門天井山巖輪坂鳳凰山而東
南至於傅巖爲平陸之北山

穆天子傳天子自冥輪乃次于涇水之陽注今之涇津也

在河東河北縣

案說文作郃宏農縣庾地段氏曰庾當作
渡字之誤也水經注河水於此有涇津以

河北有涇水故
有涇津之名也

史記正義薄山在芮城縣北十里

郡國志大陽有吳山上有虞城有顛軫坂注虞城亦謂吳城史記秦昭王伐魏取吳城卽此城也博物記顛軫坂在鹽池東吳城之北今之吳阪

水經注沙澗水出虞山東南徑傅巖厯傅說隱室前俗名之爲聖人窟孔安國傳傳說隱於虞號之間卽此處也傅巖東北十餘里卽顛軫坂也有東西絕澗左右幽室窮深地壑中則築以成道指南北之路謂之軫橋也傳說傅隱止息於此高宗求夢得之是矣橋之東北有虞原原上道東有虞城堯妻舜以嬪於虞者也周武王以封太伯後虞仲於此是爲虞公晉太康地記所謂北虞也城東有山世謂之五家冢上有虞公廟其城北對長坂二十許里謂之虞坂戴延之曰自上及下七山相重戰國策曰昔虞驥芻

鹽車上於虞坂遷延負轆而不能進此蓋其困處也橋之東北山溪中有小水西南注沙澗亂流徑大陽城東河北郡治也沙澗水南流注於河河水又東左合積石土柱二溪並北發大陽之山南流注于河是山也亦通謂之爲薄山矣穆天子傳曰天子自豎己丑南登于薄山窆輪之際乃宿于虞是也

元和志通路自解縣東南踰中條山出白徑趨陝州之道也山嶺參天左右壁立間不容軌謂之石門路出其中謂之白徑嶺焉

寰宇記虞城在平陸縣東五十里虞山上虞坂一名吳坂在虞城北二十三里傅巖在縣東二十五里

方輿紀要壇道山在解州南五里與中條山相連謂之石

門路通河南寶津渡即逗津也

舊通志橫嶺在解州五龍谷由谷西上十五里乃中條

山脊也上有墩蹟北漢防宋巡邊之路橫嶺南為山之

陽跨芮城平陸橫嶺北為山之陰跨解州安邑夏縣聞

喜在平陸縣北四十五里芮城縣北二十里直岔嶺在州西南白龍谷八里

由谷陟嶺白徑嶺在州東南十五里

芮城縣志太峰在方山東水谷之上百二十盤在縣北

中條山之陽石陞回旋北達虞鄉至清風嶺又盤折而

下即王官谷甘棗山在縣東北三十五里青龍洞在縣

東二十里今名刺林溝恭水出焉案恭水亦作共水當在永樂關西石

鐘洞在縣東北三十五里有石室頂懸石鐘水注其下

禱雨多應直岔嶺在甘棗山東今名橫嶺孤嶺治中條山路記中條

面分嶺爲赴郡省路南二十里屬西北二十里屬解州
釋崖臨錫高深數百丈北尤偏仄石磊河底馬蹄爰命
僧宗禿南北四十里之窄者塆 涇泉源山中條山直岔
者就者礙者悉舉而刺鑿之
嶺下檀道嶺在直岔嶺東自方山至檀道嶺胥中條之
析名也

平陸縣志吳山在縣北五里自中條山連絡南下形跨
川原路史殷時有吳伯今陝之平陸有吳山石門在縣
西北四十里見水經注卽白徑也與解州分山天井山在縣西北四十

里三峰平時中峰獨高俗名筆架山爲縣治來脈之祖
續志又名少祖山鳳凰山縣北三十里兩翼隆起分左右而下
上建大郎廟有古柏大數十圍千年物也

謹案括地志雷首一名吳山雖指中條之全體而言
而實爲平陸以北諸山之專稱以吳虞同字縣之北

境悉古虞國地也故水經注於交澗諸水直云北出

吳山則自檀道以東幹橋以西皆有其名縣治第舉

城北之一阜俗名神圪塔者以當之非也又案史記

虞仲吳越春秋作吳仲吳雖虞之同聲省形字古多

通用詩不吳不鬱史記孝武紀引作不虞不鬱石鼓虞人書爲吳人然周章之弟所

封其始亦實爲吳故有北吳及西吳之稱以別於秦

伯之國其後乃因吳有虞音遂以北吳易爲虞也而

習稱旣久其山川城邑至後世猶相仍不改故虞城

虞山虞坂多書爲吳也鄭注以虞城爲虞舜地殆不

然矣

直谷嶺之東爲五龍谷白徑嶺之東爲分雲嶺胥名勝也在

解州界又東爲虞坂俗名青石槽南出隘道也相近有銀谷

二邱谷車輞谷並在安邑界虞坂之東爲王峪或以爲王官谷也在夏縣界皆北臨鹽池當橫嶺之陰

水經注河東鹽池謂之鹽山海謂之鹽販之澤也澤南面層山天巖雲秀池谷淵深左右壁立間不容軌謂之石門路出其中名之曰徑南通上陽北暨鹽澤

寰宇記分雲神祠在安邑縣西南四十里中條之陰特標

諸峰山嶺出雲東西分散遂號分雲又有風谷每風出吹

沙飛石樹木皆摧俗謂之鹽南風其祠見存

案嶺距解州及平陸均三

四十里故各志皆記之舊通志云在白徑嶽東十五里時鹽池之上相傳爲口鹽澤下有風谷洞形似半井側有鹽風洞洞口似

盆上有天井山中條山縣南二十里其山西連華嶽東接

太行有路名曰虞坂春秋僖公二年晉荀息請以屈產之乘垂棘之璧假道於虞以伐虢卽此路銀谷在縣西南三

十五里中條山下隋開皇十九年於此置鹽冶又記有聖女崖在解

縣東南八里有女在中條山得道云云亦名玉女溪疑卽州志仙女洞也

運司志中條山在鹽池南五里絕巖奇峰層見疊出池

西王官谷谷東二十里有靜林寺高峙翠微古柏森蔽

靜林寺東十五里爲桃花洞昔人見洞旁冬出桃花故

名東上八里爲直谷嶺少東爲荻子谷又東爲五龍谷

在解州正南其東岫有石巖巖水飛灑而下俗曰石巖

噴雪巖上有酒島字谷口西上南十里爲橫嶺卽中條

山脊其下爲弓張溝又東爲堡子谷又東爲仙女洞亦

名元女洞其中積水成潭名黑龍潭零禱有應潭東十

里爲大虎谷谷中有將軍堡堡後有鳳凰嘴嘴西過連

雲棧至橫嶺有陽關砦砦下有勝磬窟又東爲檀道谷

亦有騰磬窟又東南爲白徑嶺雙石壁立左右參天中不容軌亦名石門卽秦敗晉師於石門處也又東十五里爲分雲嶺稍西有風谷洞若於井投葉卽飛風出巖蜚沙拔木其旁又有鹽風洞洞口若盆仲夏應候風出其聲隆隆俗謂之鹽南風池水得此一夕成鹽又東爲車轆谷谷有銀沙洞禁不採又東爲二耶谷中多巖洞又東爲虞坂一名鹽坂俗曰青石槽在安邑東郭村南舊通志王峪口在夏縣南橫嶺東西距王官谷百里嶺南水入黃河嶺北水由峪口出

夏縣志虞坂山在縣南十五里俗名三橋坂有

路通平陸案卽入王峪口道也

謹案王峪西通王官谷水經注云涑水西徑王官城北城在南原上春秋左傳晉侯使呂相絕秦曰俘我

王官是矣今世人猶謂其城曰王城詳鄭注所謂南原乃聞喜之南原元和志王官故城在聞喜縣南十五里是也而方志皆以王官城在虞鄉王官谷卽在其南考夏縣王峪之南爲平陸之幹橋卽古顛輪坂也又南有古茅城又南則茅津渡爲入陝州之通路傳稱秦伯伐晉取王官及郊遂自茅津濟史記郊作鄆杜注地並闕以當時形勢考之似旋師卽由王峪路而王官與郊必逼近絳都之地實在聞喜夏縣境王官谷之稱王峪亦猶王官城之稱王城谷古讀如玉峪其後增字也

右中條之中幹在解州及州屬四縣境者

自橫嶺以東其山旁薄深阻南枕大河北絕涑源盤回於絳

解之交爲中條之東幹以橫嶺關爲大限

明史地理志垣曲西北有橫嶺背巡檢司

舊通志橫嶺山在垣曲縣西八十里嶺上分垣絳界背

有橫嶺關巡檢司

在絳縣南四十里名大橫嶺

其在平陸境者曰清涼山曰將軍漢西臨沙澗南直三門又東曰錐子山曰箕山曰峪口山並有澗南入於河爲十九灘以北之山、

水經注河自砥柱以下五戶已上其間百二十里有十九灘水流迅急勢同三峽

平陸縣志清涼山在縣東北七十里古虞城北乃條山

一脈山頂曠闊四望無際俗謂四州圪塔蓋可以目極

蒲解絳陝也將軍漢在縣東北六十里石壁千仞下有

洞俗名鑼鼓洞相傳宮之奇以其族行避此錐子山在縣東九十里孤峰似錐層巒旁列唐志三錐山當卽此曉挹山在縣東六十里東接錐子山洗耳河發源於此晚照臺在縣東八十里拔地于尋壁立如削西日回射紫光掩映箕山在縣東九十里旋徑危峰其形如箕相傳許由巢父隱於此中有許由冢下有清澗名洗耳河云巢父洗耳處沙澗在縣東二十五里黑龍潭在縣東一百二十里峪口村有東西二峪從西峪入連峰四起峭壁夾立捫蘿緣崖約行二十里山合如瓊而缺其前一水自巔分兩磴而下上瀆爲龍潭下爲風潭潭水出峪口至南溝入河

東南溝今設汛西至茅津渡一百里

謹案箕山之名所在多有後人傳合殊不足辨據史

記齊世家西伐大夏涉流沙

流沙蓋汾池之流說詳地志下

車登太行至卑耳山而還索隱曰卑耳山在河東大

陽縣

齊語懸車東馬踰太行與壁耳之義博物志山拘夏韋昭曰拘夏辟耳山之節也

在解縣以左傳至高梁國語踰太行之言證之當是

今縣東境且縣東北之虞城史記謂之故夏墟亦與

西伐大夏有合也

呂氏春秋味之美者大夏之鹽史記禹鑿龍門通大夏爲河東地甚

明瞭左傳杜注云在晉陽非

而縣境無山以當之疑洗耳與卑耳

聲相近相沿成謬遂以山名爲水名以巢由事相附

會耳

其在夏縣境者爲巫咸山鹽水出焉其南曰柳谷曰柏塔曰

玉溪洞又南曰皇川山東谿洞卽平陸峪口之上源也連銀

穴銅穴諸山其北曰瑤臺曰雲谷曰翠巖北連景山而東至

溫泉山與垣曲界

漢書地理志安邑南有巫咸山

水經注鹽池上承鹽水水出東南薄山西北流徑巫咸山
北地理志曰山在安邑縣南谷口嶺上有巫咸祠其水又
徑安邑故城南又西流注於鹽池地理志曰鹽池在安邑

縣西南

案安邑卽今夏縣

唐書地理志平陸有琴瑟穴銀穴三十四銅穴四十八在

覆釜三錐五岡分雲諸山

寰宇記琴瑟窟在縣西北四十里

寰宇記巫咸山一名覆奧山皇川在縣東南五十五里中
條山內耆舊相傳夏后避暑離宮之所

方輿紀要巫咸城在夏縣南五里相傳殷巫咸隱此亦曰
巫咸頂一名瑤臺頂下有谷亦曰巫咸谷水經注鹽水流

徑巫咸谷是也柳谷在中條山中唐貞觀十一年幸柳谷
觀鹽池又貞元中陽城以學行者隱居柳谷之北是也
夏縣志柏塔山在縣南二十里有柏千株中一柏琦瑰
磊落獨大於眾號柏母人呼山爲鳳凰頭又名抱璞山
柳谷在縣南十五里唐陽城寓居於此今其地名陽公
鄉舊志謂卽柳宗元居不知何據集覽朔陽城隱柳谷
乃張掖郡柳谷尤謫瑤臺山高一里許孤峰峭拔蒼翠
摩空山有雷公祠玉溪洞在縣東南七里中條山谷間
俯瞰溪流石巖鑿玉溪二字溫公嘗隱此讀書翠巖山
在縣東二十里青翠可掬縹緲數十里北入關喜界雲
谷山在縣東南三十里數峰崇聳中有大谷谷中雲起
輒雨古石牌一名將軍嶺雲谷北峰也陟其巔離海洪

河舉在目焉溫泉山縣東百里一名牛首山陶宏景古
今刀劍錄夏孔甲八年九月採牛首之鐵以鑄劍卽溫
泉山也上有破洞

案唐志所稱銀穴銅穴諸山惟分雲嶺著於方志與
安邑之銀谷近三錐山在垣曲北去平陸甚遠疑三
錐當是石錐在夏縣雲谷之南然則覆釜五岡諸山
常在雲谷溫泉之間悉中條之支麓也

景山亦曰湯山在聞喜縣東南六十里景水山焉北流入涑
迤西有蠶姑峯鐵牛峪山北平原則美良川也迤東有秦王
嶺觀音山九龍山紫屏山皆清廡山之支也與垣曲絳縣界
詩景員惟河集傳或曰景山名商所都也見殷武卒章春
秋傳曰商湯有景亳之命是也

晉語景霍以爲城汾河涑澮以爲淵

水經注涑水又與澮水合水出景出北谷山海經曰景山南望鹽販之澤北望少澤其草多藎稗秦椒其陰多藎其陽多玉郭景純曰鹽販之澤卽解縣鹽池也按經不言有水今有水焉西北流注於涑水也

五朝志聞喜有景山

元和志景山在聞喜縣東南十八里

金史地理志聞喜有九龍山湯山涑水

方輿紀要湯山在縣東三十里以上有成湯廟而名山產銅唐置銅冶於此寰宇記縣東南十八里有景山也

稽古編景山之名皆後人因詩而傳會爲之耳寰宇記景山在廢緱氏縣西南八里緱氏今屬河南府偃師縣是西

上卷之三十一
三十一
毫有景山也又云景山在應天府楚邱縣北三十八里宋
應天卽今歸德府所謂穀熟南毫也其北五十里大蒙地
卽所謂北毫蒙也括地志亦謂蒙城爲景毫因景山得名
是南北二毫之間亦有景山也寰宇記又云景山在澶州
衛南縣澶州今大名府開州水經注亦言濟水北徑己氏
縣又北徑景山而引衛詩證之則是三毫之外別有景山
也衛南之景山因鄘風而得名緄氏應天之景山因商頌
而得名皆好事者之傳會作詩時未必先有此名而朱傳
以商頌之景山爲山名徒據左傳景毫之語遂謂景山之
名湯世已有之耳然景毫連文定是地名非山名也

聞喜縣志秦王嶺在湯山東相傳秦王屯兵處盤盤山
在秦王嶺東盤姑峰在湯山西峰上有鎮風塔暨姑廟

鐵牛峪在縣南三十里中有興國寺唐僧智冥住錫處
觀音山在縣東南九十里劉莊隘一峰突出下纜上鉅
焦山在縣東五十里高埒湯寒空翠如削轟峙雲霄卽
三巖山聞喜志辭以爲金志之九龍山也三巖山乃絳山紫屏山在縣東四十
里姚村後山列如屏懸崖千丈其色紫故名棟水經城
南門外

聞喜志辭太宗與尉遲敬德戰美良川通鑑綱目注曰
美良川在蔚州謬甚考唐書劉武周傳夏縣人呂崇茂
殺其令以應賊詔永安王孝基于筠獨孤懷恩唐儉等
攻夏縣不克軍城南崇茂與尉遲敬德襲破孝基軍四
將被執敬德還滄州王遼戰破之於美良川太宗紀武
德二年十一月出龍門關屯柏壁柏壁在絳州而滄州

卽翼城武德元年所置也敬德自夏縣遷滄州太宗自柏壁而出邀之戰地合在聞喜豈有兩軍各舍當壘行二千里北博一戰於蔚州者况聞喜之美良川厯見於宋元碑碣至今終未改也

謹案山海經景山南望鹽澤晉語景霍以爲城爲山名見傳記之最古者然前人未有舉以證商頌者緣皆以商都之亳在大河南故言景山者皆於三亳間求之而其地殊無大山可符其名卽漢魏諸儒亦未言景亳因景山爲名者考垣曲西北十五里之古亳城寰宇記以爲湯克夏歸至亳在此聞喜西南八里之桐鄉故城隋圖經亦謂卽伊尹放太甲於桐宮之所均在景山百里間山連中條亦稱薄山

木經注鹽水出東南

薄山夏縣東南諸山界連垣曲禮郊特牲薄社北屬荀子議兵篇古者湯以薄則亳固書爲薄矣春秋哀四年亳社公羊作薄社又與薄山一名

薄山漢書地理志山陽郡薄縣臣瓚曰湯所都郡國同

志亦云注引杜預曰蒙縣西北有薄城亦徑以薄爲亳然則薄山之名安知非因亳都而起而景山特爲邦畿之望故屢形之歌詠景亳之稱猶彼岐周且地屬冀州三面距河與員河之義亦無不合也又案水經注次景水於凍水徑董澤後董澤在聞喜東北二十里則所謂景山者當在聞喜東元和志謂在東南十八里地望較合而縣志以爲在縣南六十里直以湯山當之似所言景水乃水經注之沙渠水其云洮水者乃實景水也特以習稱既久姑仍舊文別詳凍

水下

清廉山亦曰清襄山橫嶺關所倚也北爲冷口峪在絳縣南
涑水所出之黍葭谷也南爲風山口在垣曲西北毫清水所
出之西嶺也其山屬絳者北限乾河西通峪口近接聞喜境
屬垣者有轉山墨山嶙山虎兒鷹嘴白馬諸山南則俯臨黃
河西則環以清水有壺邱焉止於縣城之右爲中條尾

水經涑水出河東聞喜縣東山黍葭谷注涑水所出俗謂
之華谷至周陽與洮水合水源東出清野山世人以爲清
襄山也其水東徑大嶺下西流出謂之冷口又西合涑水
司馬彪曰洮水出聞喜縣故王莽以縣爲洮亭也涑水又
西徑桐鄉城北竹書紀年曰翼侯伐曲沃大捷武公詩成
於翼至桐乃返者也涑水又南與沙渠水合水出東南注

川西北流注於凍水又河水注清水出清廉山之西嶺世亦謂之清營山其水東南流出峽峽左有城蓋古關防也清水厯其南東流徑皋落城北服虔曰赤翟之都也世謂之倚壘城蓋讀聲近轉因失實也春秋左傳所言晉侯使太子申生伐東山皋落氏也清水又南徑陽壺城東卽垣縣之壘邱亭晉遷宋五大夫所居也

郡國志垣有壘邱

魏書地形志邵郡清廉縣有白馬山

寰宇記古清廉縣在垣縣西北二十二里後魏割開喜安邑東界之人於清廉山北置縣屬邵郡皋落城在縣西北六十里

舊通志中條山在垣曲縣西南九十里迤邐至縣郭南

一里爲山尾風山在縣西六十里爲橫嶺關入口元宗
景祥沿革碑記縣去絳州二百三十里自冷口谷崎嶇
盤礴行七十里始得民廬者轉山在縣西七十里連橫
嶺山墨山在縣西五十里五朝志垣有黑山今郡縣志
不載疑譌黑爲墨

垣曲縣志曦山在治西南四十里有大小二陰坡大陰
曦光所不至小陰間得之舊志譌爲椅山虎兒山在治
西四十里山腹蹲石虎西向近古清廉城上有風洞鷹
嘴山在治西南五十里白馬山一名孀頭山登巔望聞
喜夏縣若羅諸掌有清濁二泉龍首山其支也在治西
七十里壺邱在治南二里大河之干左傳襄元年晉冀
宋五大夫於壺邱

絳縣志橫山在縣南四十里東南跨垣曲界名大橫嶺
凍水出嶺之乾河伏流盤東地中至聞喜縣界始出而
西流云乾河詳下王屋山
舊志作故河誤冷口峪在縣南十五里四時
多風盛暑恆冷

謹案清廉山後魏以名縣與清襄實一山襄蓋廉之
譌文鄭氏以清水所出爲清廉洸水所出爲清襄偶
未照會耳其清營清野亦一聲之轉也

右中條東幹在夏縣聞喜絳縣垣曲境者

中條餘支漫衍於凍水之陰者爲鳴條岡在安邑縣西北二
十五里東有玉鈎山與岡相屬其別阜之臨水者曰香山在
聞喜縣南曰千佛嶺在猗氏縣南

史記夏本紀湯率兵以伐夏桀桀走鳴條正義曰括地志

云高涯源在安邑縣北其南阪口卽古鳴條陌

寰宇記鳴條陌在縣東北一十五里案漢書地理志云鳴

條陌在安邑西北

漢安邑在今夏縣

尙書伊尹相湯伐桀升自陜

遂與桀戰於鳴條之野孔安國云地自安邑之西桀逆拒
湯在河曲之南其地在縣北二十里是也玉鉤山在縣東
北二十里其山東西一十里勢如玉鉤因此爲名

同喜縣志香山在縣東南三里相傳裴晉公還帶處上
有晉公祠

猗氏縣志千佛嶺自同喜香山來至縣西香落村止涑
水西流過源頭村將南行嶺隆起逼捍之

其盤折於涑水之陽北抵滄水者爲絳山亦曰紫金山在絳
縣北十五里絳水出焉北流至曲沃以滄曰青玉峽曰風洞

曰水巖曰郝家山曰觀音山曰四枝寨並在山沃南而西盡於開喜東北之晉原爲三巖山晉原者我眉原之首北臨汾澮西屬大河有柏林山在開喜界石碓山在夏縣界二巖山在臨晉界悉其岡阜也其最著者爲稷山介山

水經注澮水又西南與絳水合俗謂之白水非也水出絳山東寒泉奮湧揚波北注懸流奔壑一十許丈青崖若點黛素湍如委練望之極爲奇觀矣其水西北流注於澮應劭曰絳水出絳縣西南蓋以故絳爲言也

元和志絳山在曲沃縣南十三里山銅鍾

寰宇記絳山在絳縣西一十八里西入開喜縣界東距白馬山絳水一名沸泉水出絳山東谷

方輿紀要紫金山在曲沃縣南十三里產銅山半有泉下

注懸崖冬則疑而成冰一名冰巖山開山圖謂之絳山

舊通志紫金山在聞喜縣東七十里盤盤山東二十里
接曲沃界山之西名爲鳳凰原絳山有南北西三峰北
峰尤高山下有沸水一名紫金山草木不生土色赤州
縣胥取名焉產鐵石礎山在夏縣西北七十里石礎里
稷王山之支山也石礎卽峨嵋之高阜大嶷山小嶷山
並在臨晉縣東北三十五里二山南北並列故志曰二
嶷五朝志桑泉有三嶷山金志臨晉有三嶷山而明統
志止書大嶷小嶷

曲沃縣志紫金山在縣南十三里西南接中條王屋在
其東南產銅池西爲郝家山明刑部郎中郝修己遊官
清介洪武時賜紫金山一
區又西爲冰巖見方輿紀要及觀音山志云絳山在觀音山
西案紫金山在觀音山

之通稱無
可指別
紫金山頂絕壁如削名四棱寨一名紫棱東
有風洞青玉峽在風洞東南北二里許東西兩崖對出
絳水北趨峽激之下注爲景明飛瀑卽水經注所謂奔
壑十一許丈者也

聞喜縣志峨嵋嶺在縣北三里由鳳凰原而北迤邐漸
高行二十餘里四圍皆爲平原卽晉原也晉城在焉又
北數里下瞰絳州其廣五十餘里晉原卽清原左傳晉
蒐於清原也杜注在聞喜北柏林山在縣西三十里下
爲疊水崖再入爲蒿峪

絳州志峨嵋坡在州南二十里隸州境四十里東臨曲
沃南隸聞喜

稷山縣志峨嵋嶺在縣南四十里東西袤二十里迤高

九里八十步盤踞十五里山有兩峰巒環凝翠望若修眉

河津縣志峨嵋嶺在汾水南卽汾原聯萬泉榮河境

萬泉縣志峨嵋嶺邑境隸其嶺

榮河縣志峨嵋坡在城東遶高四里北連閭喜南貫臨晉亦多平原東南一峰差巒曰靈吉南坡曰亞夫北坡曰寺底曰風坡曰倉李曰長安又北爲后土廟爲孫石崖形勢聯絡后土白馬二阜左右相顧坡間有大溝曰百峪

臨晉縣志峨嵋原在縣北五里自閭喜之嶺口迤邐連夏縣猗氏又連縣境

猗氏縣志峨嵋坡在北門外

解州志峨嵋坡在鳴條岡北東自曲沃西抵黃河州北
境倚潁延袤至城東五里鹽池北岸

安邑縣志峨嵋嶺在縣北四十五里鳴條岡西上多平
壤隸縣境東西袤二十七里

聞喜志縣上林賦凌三嶮之危郭璞三蒼注三嶮山在
聞喜史記湯遂伐三嶮俘厥寶玉孔安國以爲國名桀
走保之今定陶也正義亦同愚意此間地名多誤指爲
定陶者亦泥濟陰而誤耳不思陶邱東出者爲濟陰沈
水東流者獨非濟陰乎况此地既有蓋父殿川之封見
春秋傳矣殿嶮巽本一地特字有繁省耳郭璞親爲茲
邑人見聞必殫孔傳僞書今已昭昭而可據乎且史記
明云桀奔鳴條湯伐三嶮矣注引孔亦解爲桀保三嶮

何又在定陶乎爲守節者何不信其景純而信僞安國乎三巽果否董父之後固無明文而其不在定陶也斷斷然矣通志謂卽縣東焦山非蓋焦去參龍池稍遠不合禮川之地恐卽是紫金山紫金於縣東最高有三峰今俗名三縣頂謂一近曲沃一近絳一近聞喜也楊雄校獵賦注三巽言三峰聚也稱巽字義更合

稷山亦曰稷神山在稷山縣南五十里

水經注汾水又徑稷山北在水南四十許里山東西二十里南北三十里高十三里西去介山一十五里山上有稷祠山下有稷亭春秋宣公十五年秦桓公伐晉晉侯治兵於稷以略狄土是也

太平御覽附圖經曰稷山在絳郡后稷播百穀於此山

寰宇記稷山在安邑縣東北六十七里尙書舜典曰稷黎
民阻飢汝后稷孔安國曰稷后稷也按左傳宣十五年晉
侯理兵於稷杜預曰河東聞喜縣有稷山是也山海經云
其山多錫蕉名玉山后稷播時百穀於此遂以名山

舊通志稷神山東連聞喜西連萬泉南連夏縣峰巒層
出下有澁澁泉后稷陵廟稷山主之姜嫄陵廟聞喜主
之

介山亦曰孤山在萬泉縣南一里其西爲鄆邱今沒於河
水經汾水西過皮氏縣南注西徑鄆邱北故漢氏之方澤
也賈逵云漢法三年祭地汾陰方澤澤中有方邱故謂之
方澤邱卽鄆邱也許慎說文從邑鄆聲河東臨汾地名矣
在介山北山卽汾山也其山特立周七十里高三十里文

穎言在皮氏縣東南側可三十里乃非也今準此山可高十餘里山上有神廟廟側有靈泉祈祭之日周而不耗世亦謂之于推祠楊雄河東賦曰靈輿安步周流容與周覽於介山嗟文公而愍推兮勦大禹於龍門晉太康記及地道記與永初記並言于推逃隱於是山又汾水西至汾陰縣注水南有長阜背汾帶河阜長四五里廣二里餘高十丈汾水歷其陰西入河漢書謂之汾陰隴應劭曰隴邱類也

太平御覽并州記曰介山一名橫嶺

寰宇記介山一名孤山在萬泉縣南一里晉太康地記曰晉文公臣介之推從文公逃難反國賞不及怨而匿此山文公求之推不出乃封三百里之地又號爲介山寶鼎縣

汾水自龍門縣界東際汾陰離去縣三十五里后土祠在漢汾陰故城西北二里在今縣西北一十一里漢武帝元鼎四年始立后土祠於汾陰離上

方輿紀要孤山在萬泉縣西南十里一名介山以亭然孤峙不接他山也山之南麓接猗氏縣界唐十道志河東道名山曰介山漢武帝用事介山卽此後周保定初韋孝寬築城於玉壁以北齊人至境上會夜孝寬使汾水以南傍介山稷山諸村皆縱火齊人以爲軍營收兵自固版築遂集所謂介山亦卽此山也或又譌爲縣山山西牛隅有樞泉南麓有雙泉又有桃花洞東谷又有暖泉流爲東谷洞舊通志介山在萬泉縣東十五里相傳介子推隱此文穎謂其山特立鄴道元謂高十餘里當以今之孤山爲

介山孤山在縣南二里高十五里盤踞八十餘里一名

方山以其四面胥方也又以山基絳延名絳山元毛鐸

風伯雨師廟記近邑之山爲絳山山東南之巔有古祠

焉祠下有臺曰崑崙相傳漢建武九年光武親幸登是

臺而祀之山有柏林

在東南隅上
爲崑崙臺

桃花洞

在南麓相傳
善羅士信隱

此元劉海蟾

雕石窟

在南峪有
雕石泉

東澗

孤山北壑
隨地湧泉雙泉在東

蓋柏林迤西二泉湧出

一在山

聖水泉

在山陽水
旱不竭

暖泉

半一在山陰奈山集石數

半截桶泉

在山陰

檀泉

在西麓一
名兔泉上

泉湧出隆冬不冰

有檀泉寺

謹案孤山卽介山之西峰也故古籍皆謂之介山卽

唐志萬泉有介山倚氏有孤山亦互舉其名萬泉本

析倚氏地所置也舊志分爲三山未見爲確鄂邱當

卽春秋之葵邱杜注謂在陳留外黃非汾陰地以晉
不與盟爲疑然宰孔謂齊桓西爲此會不合在宋地
顏師古以邲邱卽汾隄其地本名邲音與葵同邲人
呼葵音如誰故轉而爲隄字耳其地在今榮河縣北
於介山爲西南邲注以邲邱在皮氏以汾隄在汾陰
析爲二地亦非自明隆慶以後河日東徙汾水自河
津之西南卽入於河與榮河之古汾陰大相懸隔近
牟則並后土祠亦圯於河矣所謂隄上者久湮爲洪
流姑因記介山連及之至于推所隱道元樂史雖並
發及而皆辨爲在介休則泥於杜注也

右中條之別支在曲沃絳州絳縣聞喜稷山河津
萬泉榮河倚氏臨晉解州安邑境

上曰黃河卷三十一 山川考一 三十一
砥柱山在平陸縣東五十里黃河中禹貢之底柱也河水至此分三道包山而過故亦名三門山三門之南有金門三堆天柱諸峰世稱爲砥柱六峰也其東有米堆關流二山下流爲十九灘峽險速屬懸百二十里至五戶灘入垣曲縣境爲中條王屋之分界

水經注昔禹治洪水山陵當水者鑿之故破山以通河河水分流包山而過山見水中若柱然故曰砥柱也三穿既決水流疏分指狀表目亦謂之三門矣山在魏城東北大陽城東也河水翼岸夾山魏峰峻舉羣山疊秀重嶺千霄鄭康成按地說河水東流貫砥柱屬關流今世所謂砥柱者蓋乃關流也砥柱當在西河未詳也余按鄭說非是西河當無山以擬之自砥柱以下五戶以上其間百二十里

河中竦石桀出勢逼陸襄蓋亦禹鑿以通河疑此闕流也
其山雖開尙梗湍流激石雲涸沒彼怒溢合有十九灘水
流迅急勢同三峽破害舟船自古所患漢鴻嘉四年楊焉
言從河上下患砥柱隘可鑄廣之哉沒水中不能復去而
令水益湍怒害甚平日魏景初二年帝遣都督沙邱部監
邈諫議大夫寇慈帥工五千人歲常修治以平河阻晉泰
始三年正月武帝遣監邈大中大夫趙國都匠中郎將河
東樂世帥眾五千餘人修治河灘事見五戶祠銘雖世代
加功水流湍濟溥波尙屯及其商舟是次鮮不踟躕難濟
故有眾峽諸灘之言五戶灘名也有神祠謂之五戶將軍
亦不知所以也

唐書地理志平陸本河北縣天寶元年太守李齊物開三

門以利漕運得古亦有篆文曰平陸因更名

元和志禹鑿底柱二石見於水中若柱然河水至此分爲三派流出其間故亦謂之三門

寰宇記黃河孟津水在垣曲縣南門五步從平陸縣東雍

州谷口經王屋山至縣界

案今平陸縣東一百八十里
有襄口渡與垣曲界

方輿紀要漢武帝時河東番係言漕從山東西歲百餘萬石更砥柱之險敗亡甚多而煩費鴻嘉四年以河水決溢爲患楊焉上言河從上下底柱險隘可鑄廣之後漢興平二年李傕等寇長安帝幸陝別將李樂欲令車駕御船過底柱出孟津楊彪以爲河道險艱非萬乘所宜乃止曹魏景初二年以底柱道險遣寇慈濬治晉泰始三年復造樂世帥眾修鑿功卒不集隋開皇三年遣韋瓚自蒲陝以東

募人能於洛陽運米四十石經底柱之險達於常平者免其征役十五年詔鑿底柱大業七年底柱崩偃河逆流數十里唐貞觀二十年幸河北觀底柱令魏徵勒銘是時自洛到陝皆運於陸自陝至京乃運於水以避底柱之險也顯慶元年苑西監褚明議鑿三門山爲梁通陸運功不成後大匠楊務廉又鑿棧以輓漕舟人以爲苦開元二十一年轉運使裴耀卿以關中用度不給請於河口置倉使吳船至彼卽輪而去官自僱載分入河洛又於三門東西各置一倉至者貯納水險則止水通則下或開山路車運而過則無復留滯省費鉅萬從之明年遂於三門置倉東曰棊津西曰鹽倉亦名三門倉漕舟輪其東倉而陸運以輪西倉凡登山十八里以陸運復以舟漕達關中避三門水險二十九年陝

州刺史李齊物請鑿底柱爲門以通漕開山巔爲輓路沃
醴而鑿天寶元年上言三門運渠成然棄石入河水益湍
怒不能入新門候水漲以人輓舟而上未幾益阻澀不可
行貞元二年李泌爲陝觀察使益鑿集津倉山西徑爲車
道十八里屬於三門倉人以爲便朱乾德元年詔重鑿底
柱三門慶厯中陝西用兵歐陽修請案裴耀卿舊迹以通
漕運政和五年蔡京建議鑿大伾三山兩河創天成聖功
三橋役夫數十萬纔成而水漲橋壞明朝天順中楊鼎言
黃河乃漢唐漕河卽今鹽船木筏往來不絕其間雖有三
門析津之險而古人倒倉之法爲當三門之上有小河僅
通延綏如以所運糧草各貯水次通流饋運庶幾軍餉可
足許進亦言黃河自陝州而上至綏德近境春初皆可舟

行若計沿河郡縣改徵本色水陸接運而上榆林可以少
蘇蓋黃河在山陝之間龍門爲險而在晉豫之交底柱爲
扼也

陝州志三門中神門南鬼門北人門惟人門修廣可行
舟鬼門尤險舟筏入者鮮有得脫三門之廣約三十丈
其東百五十步有峰特立斯爲底柱山

平陸縣志米堆山在底柱東唐時歲漕經砥柱多覆河
中有山號米堆運舟入三門僂平陸人爲門匠執標指
麾一舟百日乃能上諺云古無門匠墓謂皆溺死也又
有兩流亦在砥柱東上激六峰下阻十九灘金門山在
三門北岸孤巒特出屹立河干上建神禹廟紫金山在
三門東岸下有神仙洞洞口危險深不盈丈有禹功岩

石壁數仞勢若削成昔人曾摩崖紀禹功焉歲久字剝
落不可復識又有虎嘯谷翠陰岩掛鼓石

趙冬曦三門賦并序砥柱山之六峰者皆生河之中流
蓋夏后之所開鑿其最北有兩柱相對距崖而立卽所
謂三門也次於其南有孤峰揭起峰頂平闊夏禹之廟
在焉西有孤石數丈圓如削成復次其南有三峰東曰
金門中曰三堆西曰天柱湍水從黃老神前東流湍激
蹙於蝦石折流而南激於三門包於廟山乃分爲四流
淙於三峰之下觶於曲隈會流東注加以兩崖夾水壁
立千仞盤紆激射天下罕比時以婦兄牛氏壯而遊焉
相顧賦之以紀奇迹賦曰大河瀟漫上應天漢瀟灑披
於積石之西瀑懸流於崑崙之半茫茫禹功茲焉會通

壑連巖而瀉激羅峒島以攢空闊兮若橫雨閉於江上
炭兮若凌三山於海中崇山嶽崑呀水綜射左右飛濤
起伏相擊截奔湍兮躋石臺目霍濩兮心徘徊三峰砥
其卻立架崇門以洞開連嶂紆河以壁峭壘嶽喬空而
半頽洪流蹙折以盆涌激湍崑窟而相礎苞巒秘隴砾
其鼓作洄聚澎瀑灘以山推奔濤迅復紛其蕩駭蓬渤
滑瀾霜以雲迴盤渦掣冢以谷施奔石砰礧以成雷拗
怒未洩橫流逆折合如地轉散若天裂搖騰碧嶼刷蕩
珊穴碑巖腰而沫沸淙隘口而湍咽然後縹雲霽霽收
濤卷瀨汨汨以無聲漫浩浩以東會總四流而俱合
注三穴而滂沛泛洪漣於大磧之東薄餘怒於天地之
外當其時也山獸驚躍水禽亂飛魚鱗枕覆以不動衝

孫拱樹以相依竄蛟人於洞壑帖舟子於漣漪莫不愁
白鷺之初下款黃牛之暝歸若乃降望金門徜徉石背
窮巖萬仞一曲千里松厯厯而生涯草鬱鬱而覆水雲
蓬茸兮厯地生風颯颯兮百籟驚猿惜暮而悲叫鳥辭
春而不鳴沾噪帆兮杪崢嶸飛客心兮動客情憐石菌
之冬茂賞瑤芝之夜明惟夏君兮永馨拜靈廟兮何及
檣梁古兮山鳥棲階壁蕪兮野麇入感微禹之歎深亢
幽歌以伫立歌曰申負石兮空自奇客乘槎兮何遠爲
君不見盧舟之泛泛浩乘流而不羈

都穆遊砥柱記砥柱在陝州東五十里黃河中以其形
似柱故名禹貢謂導河東至於砥柱卽此乙卯往遊砥
柱離州二十里午食又二十里循河行十里至三門集

津三門者中曰神門南曰鬼門北曰人門其始特一巨石而不如砥想昔河水汎溢禹鑿之爲三令水行其間聲激如雷而鬼門尤爲險惡舟筏一入鮮得脫者名之鬼道矣三門之廣約二十丈其東百五十步卽砥柱崇約三丈周數丈相傳上有唐太宗碑銘今不存蔡氏書傳以三門爲砥柱州志亦謂砥柱卽三門山皆未嘗親履其地故謬誤若此又按隋書載大業七年砥柱山崩壅河逆流數十里砥柱今屹然中流上無土木而河之廣僅如三門奚有崩推而壅河逆流至數十里之遠哉距河兩岸皆山嶽者當時或崩遂以爲砥柱而書之也孟子曰盡信書則不如無書有以哉

右砥柱山

王屋山在垣曲縣東北六十里禹貢所謂砥柱析城至于王屋也山西接中條南通濟瀆東北與析城連麓周百三十里沈水之所潛源卽濟水也在河南濟源縣或亦以垣曲之教水爲沈水矣山之巔爲天壇多名勝亦在濟源縣其西北一隅跨垣曲陽城兩縣境凡清水以東滄水以南析城以西諸山皆其支別也

漢書地理志河東郡垣縣禹貢王屋山在東北沈水所出
水經濟水出河東垣縣王屋山爲沈水注山海經王屋之
山聯水出焉郭景純云聯沈聲相近卽沈水也

元和志王屋山在王屋縣北十五里周百三十里高三十
里

方輿紀要垣一名王垣後漢延平元年垣山崩卽垣縣山

也徐廣曰縣有王屋山故曰王垣亦曰武垣曹參
於曲陽追至武垣也博物記山在縣東狀如垣故縣亦有
東垣之稱建安十年寇張日騎之眾攻東垣晉太元十一
年苻丕與慕容永戰於襄陵大敗南奔東垣卽此
案東垣在河南
新安武垣在直隸
河間此並誤認

垣曲縣志王屋山在縣東北七十里形如王者車蓋故
名絕頂有壇爲軒轅祈天之所故又曰天壇東曰日精
西曰月華道書三十六洞天此其首也

謹案地志皆以王屋山在垣曲蓋漢晉舊垣縣兼有
今濟源縣西境也自隋於其地置王屋縣元省入濟
源而今垣曲久無王屋矣然名勝志稱其山方七百
里則實統今縣東北諸山而言故水經以教山爲王

屋之次也茲採地志以存其概舊通志所載天壇諸勝如仙貓洞華蓋峰太乙池之類並略

王屋之北爲教山俗曰厯山教水出焉其南爲鼓鐘川有鼓鐘山川之西爲乾棗澗有石人嶺倚毫川水出焉又西爲折腰山有礦谷白水出焉馬頭山在教水白水間俗名磨姑山又卽寨子山也並在垣曲北踰川而上有三錐山踞齒山皆東連烏嶺西達乾河與絳翼分山

水經注教水出垣縣北教山南徑輔山厯鼓鐘上峽懸洪五丈飛流注壑夾岸深高壁立直上清崖秀舉百有餘丈峰次青松巖懸頽石於中厯落有翠柏生焉丹青精分望若圖畫矣水廣十許步南流厯鼓鐘川分爲二澗西澗北出百六十許里山岫迴阻纒通馬步今聞喜東北谷口

有乾河里故溝存焉今無復有水一水厯冷官西世人謂之鼓鑊城城之左右猶有遺銅及銅錢也城西阜下有大泉西流注澗與教水合伏入石下南至下峽山海經曰鼓鑊之山帝臺之所以鴈百神卽此山也其水重源再發南至馬頭山東截坡下又伏流南十餘里復出又謂之伏流水南入於河山海經曰教山教水出焉而南流注於河又云清水東流徑泉落城北與倚毫川水合水出北山礦谷東南流注於清水清水又東合乾棗澗水水出石人嶺下南流俗謂之扶蘇水又南厯好苗北馬頭山亦曰白水原西南徑垣縣故城北史記魏武侯二年城安邑至垣卽是縣也其水西南流注清水

方輿紀要三錐山在垣曲縣北六十里

縣志入

三峰如錐

舊產銅其相近者有鼓鐘山或曰醫冢山也相傳瞽瞍葬處又折腰山在縣西北七十里中低旁高舊有銅鑛鑿久摧折故名乾河在縣東北源出絳縣接界之教山西南流注於河卽鼓鐘川分流南出之水也是水冬乾夏流亦曰乾澗大事記秦昭王十四年涉河取安邑以東至乾河蓋在此

舊通志魏熙平二年尙書崔亮奏宏農郡銅青谷有銅鑛計一斗得銅五兩四銖葦池谷鑛計一斗得銅五兩鸞帳山鑛計一斗得銅四兩河內郡王屋山鑛計一斗得銅八兩則青谷葦池谷鸞帳山當聯王屋山在垣曲平陸之間垣曲折腰山銅鑛鑿久存推恐屬古今殊名耳泚水當卽西馬頭山東截坡下水土人以其伏流似

濟謂之濟水支流

垣曲縣志歷山在縣北八十里山巔荆棘不生俗名舜
王坪相傳舜耕於此警冢山在縣北五十里相傳警叟
葬此諸馮山在縣北三十里盤教水中警冢之回巒也
寨子山在縣北三十里磨姑山之支魏書白水有馬頭
山水經注清水南歷奸苗北馬頭鼓鐘川水南至西馬
頭東截坡下今缺村馬頭今之磨姑以其在清水之北故
曰北馬頭在鼓鐘川之西故曰西馬頭就水勢所向而
異其詞又泉山在縣北六十里佛山在北三十里太行
山在東北八十里土人名錫齒山北抵陽城西連沁水

翼絳

翼城縣志歷山在縣東南九十里山界翼垣陽沁四縣

世傳舜耕處也其西北有黑谷村及舜所浚二井相距數十丈而匿空相通此汲則彼水動其旁又有舜廟俱屬翼城

謹案鼓鐘城今在垣曲北六十里通鑑後周建德五年攻晉州分遣尹升守鼓鐘鎮是也不知何時謬爲瞽豕而教山遂有厯山之稱馬頭亦兼諸馮之號並附會舜蹟矣沆水出王屋之南在濟源教山乃王屋之北支耳舊志以教水伏流不常目爲沆水支流又指東北十里之山爲濟源山謂濟水發源於此皆誤效山卽教山也循乾河而下厯絳東之白馬山俗稱爲太行也曰太陰山在縣東南迤邐而西至冷口峪與涑源之華谷界曰備窮山在縣東北通翼之洽文西與絳山以紫谷水爲

界

寰宇記教山今名效山亦名羣山在絳縣南八十五里山

海經云教山其山多玉而無石教水出焉

水經注乾河教水之枝津也詳

見太陰山在縣東南十里崖壁峭絕陽景不至因曰太陰

縣古理車籍城在城北

備窮山在縣東北二十五里出鐵非穴五所

又熒庭城在翼城縣東南八十五里春秋襄公二十三年

齊伐晉張武軍於熒庭杜預注曰晉地水經注云紫谷水

東出白馬山西徑熒庭城而西出紫谷與乾河合卽教水

之枝川也案此城與紫谷相當古熒庭也

案水經注紫谷水北入滄交今

縣東南十五里有紫家谷滄交在縣東北四十五里翼城界則白馬熒庭並當在縣東矣

絳縣志太行山在縣東二十里山極高險西北諸山多

其支脈山半有石洞雲時飛出

案當卽白馬山在王屋之次以爲太行蓋俗

稱之華池山在縣東十五里南連長嶺青凌山在縣東

南十五里紫家峪

志又有沙峪縣東三十里續魯峪縣東五十里通沁水陳村峪縣東南十

五里世以爲澗源之華谷疑非辨詳涑水下

欽池山在縣南十五里上有池

建龍祠存雲嶺一名鳳凰山在縣南三十里

教山之東與烏嶺連者爲輔山有西輔東輔之名蓋王屋之障也在沁水縣界東有盤亭山其南曰雲濛山在陽城縣界又東爲析城山

水經注教水南徑輔山山高三十許里上有泉源不測其深山頂周圍五六里少草木山海經曰孟門東南有平山水出其上潛于其下又是王屋之次疑卽平山也又沁水下注云上澗水導源西北輔山東徑銅于崖南歷析城山寰宇記東輔山在沁水縣西南九十二里其山及西輔山

與析城山相連若有相輔之勢害水在縣南八十里出西

輔山

附城新志輔山在縣西八十里一日西坪其地則隸

也此山

俗曰教水之源教水出於教山必土人講教山爲

地望確

爲教水之源教水出於教山必土人講教山爲

山下卽

五虎隘口又云教水流經五虎口入東沒川水

出沁水

縣境入縣境之東噴噴而東流注於教水出垣縣懸山東南

屬而東

流曰金河西沒川當是害水其西沒

入縣境

之西噴噴而東流注於教水其西沒

川則水

經注所引山海經之平山水也

舊通志舜王坪接盤亭山

陽城縣志盤亭山在縣西南八十里嶺首名石岩岩下

有橫河

卽盤亭河

峙於河北者曰鐵盆嶂迤西曰塔樓山峙

於河南者曰十八羅漢峰亂峰高下延至龍口兩崖合

抱瀑布高懸懸互十餘里如象蹲門奇偉之形不能一

一名狀雲濛山在縣西南百里由盤亭過龍潭浦至其

巖緣壁而下危磴凌空至第一龕岩懸乳竇滴水一泓可飲百人二龕梯壁如前三龕尤險有樓宇石牀丹竈從此而上峭壁極天不能以尋尺計盤亭河源出析城山麓繞王屋陰迅流而下南入濟源界

右王屋山

析城山在陽城縣西南七十里王屋山之東山西臨教水北環渡澤南界濟源其東有三峰並峙或亦以爲底柱也又東有莽山直抵沁水古淇關及荆子關諸隘環其外桑林水導源析城之東麓曰麻婁山在其陰曰神泉山在其陽而北極於渡澤東止於沁水之西岸

漢書地理志渡澤縣禹貢析城山在西南應劭曰有渡澤在西北

水經注上澗水南歷析城山北山在濩澤南禹貢所謂底
柱析城也山甚高峻上平坦下有二泉東濁西清左右不
生草木數十步外多細竹其水自山陰東入濩澤水

寰宇記析城山在陽城縣南七十五里山巖有湯王池俗
傳湯旱祈雨於此今池四岸生龍鬚綠草無林木

舊通志古今地名云析城山方七百里高萬仞是連王
屋山言也

陽城縣志桑林水南之山析城山西曰十峰嶺嶺西北

曰輔山南曰盤亭山曰雲濛山皆析城西支也析城東

北曰麻婁山在縣南四十里有東西峰相距四五里地

蒸餅洞石壁百餘丈梯而上中映張斗光築寨於此山南有

二百餘步有泉水可飲數百人麻婁之南曰小寨山

南十里少東南曰峰山在縣南四十五里峰山東北曰底

柱山在縣南五十里形勢拱底柱之南至縣之南界爲

王屋山底柱之東縣東南境爲莽山在縣東南六十里

巖連逶迤而下曰北立門兩崖壁立愈下愈深如入淵井

數里至紫馬橋有巨石圓缺西有試劍峰紅峪水出焉

即莽河也道旁一峰俗名棋盤山其西谷南偏曰南立

門又有白雲洞仙果堂石人峰瀆水盆諸奇蹟其水從

紅峪注於劍口入濟源界莽山之北曰三盤山東北曰

伏流而重出即漢梁水也

尺天嶺少東曰白雲隘再東爲荆子關爲縣東南界關

西北曰雲天山山下曰孤山孤山東北曰東廟嶺在天

縣東南百里迤南嶺首爲韓王頭距白雲隘不遠西接

尺天嶺東即荆子關也孤山在縣南九十里有窳君口

要衝東廟嶺在縣東南七十里孤山之北北岩下紅

河環繞遠眺山外沁水環如白練嶺盤二十餘里

澤水南之山縣治東二里曰小崦山又東南曰南崦山

在縣東南二十里商麓有白雲觀其巖建白龍祠又東南曰香臺山在縣東南

有廟祀唐臺東南曰神泉山在縣南二十五里山峻

唐太宗

許一峰突起
日摩天嶺

謹案析城與王屋一山毗連皆在底柱之東而析城又在王屋之東禹貢底柱析城至于王屋第渾舉之而宋張舜民畫境錄謂三門山河經其中東峰若小城狀卽析城元吳澄書纂言謂析城在王屋山西北七十里山峰四面如城有南門書正義云地理志不載底柱底柱在大陽關東析城之西則仍以平陸之三門爲底柱矣而舊志乃謂正義是指陽城之底柱山皆泥經文以底柱析城連言而臆爲之說也

右析城山